

مرند اۆيکو

Mərənd öykü



ترلانیڭ طالعی

یازار: اسماعیل ممدلی

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

ترلانیڻ طالعی اسماعیل ممدلی

ساوالان اته ینده کی یارپیزلی کندینده آنادان اولموشدو، آناسی لاجین اونو یالادیقجا توکلری قوریوب جانی قیزیردی، سحره یاخین گۆزلری آچیلیب آیاغا دورا بیلدی، بودوریه- بودوریه آغزینی آناسی نین امجه یننه یتیردی. شیرین ایللیق سودو امدیکجه بدنی گوجلەنیب توره لیردی، نئچه آی سونرا اوتلارین یوموشاق یارپاق لاریندان یتمه یی ده اویره نیشدی، اوتلاق دا آناسی نین یانیندا او یاندان بو یانا، بو یاندان او یانا قاچیب اویناییب سئوینجین دن یئر- گویه سیغمیردی. اینجه بئلی، نازیک توپوق لاری، بسته بویو اونون «قاراباغ» آت لاری توره مه سیندن اولدوغونو بیلندیریردی، گونو- گون دن بویویوب آز قالا آناسی بویدا اولاندا ایکی یاشلی «ترلان» ین مینیک واختی گلیب چاتمیشدی. آما ارکۆیون دایچانی هئچ کیم مینه بیلیمیردی. یالنیز بیر گون آخشام ایلخی اوتلاق دان کنده قاییداندا «ائیواز» اونا یاخین لاشیب الینی ساغری لاینا چکیب یال لارینی تومارلامیشدی. بو ایش دن خوشو گلن ترلان او واخت دان بری ائیواز دان قاجمازدی. نشریه لرین یازدیغینا گوره، دورد آی سونرا خرمن بایرامیندا قاراداغ دا، قاراباغ آت لاری توره مه سیندن اولان قولان لارین چاپماق یاریش لاری کئچیریلەجک ایدی، ائیواز بو یاریش لاردا ترلان لا بیرلیکده اشتراک ائتمک قرارینا گلیب، صاباح دان اونا مینیک اویره تمه یه باشلادی. مشق لار اولده بیر آز چتین اولسا دا سونرالار ایش لر یاخش ی قاباغا گئدیردی. ائیواز ترلانیڻ کوره ینده اوتوروب قیچ لارینی اونون سینه سی آلتیندا داراق لایاندا ترلان قولاق لارینی باشینا یاتیردی، اوخ کیمی سیچراییب بیر گۆز قیرپیمیندا اوزون بیر یول گئدیردی. ایش بئله گئتسه ییدی، ترلانیڻ یاریش لار دا بیرینجی اولاجاغینا سۆز یوخودو.

تاسف کی، بئله اولمادی، بیر گئجه تلویزیون دا، همیشه گولر اوزلو مهربان دانیشان «سارا» هیجانلی بیر حالدا محاربه نین باشلانیدیغینی خبر وئردی. اوردونون ایسته یننه گۆره، بوتون آت لار جبهه یه گونده ریلمه لی ایدیلر. ایکی گون سونرا گلیب ترلانیڻ دا ایلخی دان آییریپ آپاردیلار. اوزون- اوزاق یول لار گئده ندن سونرا آج- سوسۆز اوستو آچیق بیر توپله یه سالدیلار. اوردا ایکی یوزه قده ر آت وار ایدی. مختلف یئرلردن گتیریلن آت لار چوخ تئز بیر- بیر له دوست لاشیب، هره اوز طالعیندن دانیشیردی. بیر دئییردی: اون گون قاباق نرگیزین توپوندا بوتون آت لاری کئچیب، گلینی اوزوک قاشی کیمی بئلینده ساخلاییب، قونشو کنده آپارمیشدی. او بیرسی دئییردی: بو ایل یوز هکتار یئر شوملاییب، کند اهلینه تاپشیرمیشدی. باشقاسی دئییردی: بیرمی گونده آرابا ايله اوچ یوز تون بوغدانی کۆوشن دن خرمنه داشیمیشدی. بو آرادا تکی بیزیم جاوان ترلانیڻ هله دئمه یه سۆزو یوخ ایدی.

آت‌لار باش‌لارینا نهلر گله‌جه‌یینی بیل‌میردیلر... مشق‌لر باش‌لانمیشدی. آل‌لرینده اوزون آغیر دمیر پارچاسی اولان سرباز هر گون آت‌لاری وورا- وورا توپله‌دن چیخاردیب، نچه یوز کیلو داش تورپاغی کوره‌کلرینه قویوب، بویوک بیر میدانین بو باشیندان او باشینا، سونرا دا او باشیندان بو باشینا گتیریردیلر. سربازلارین بو جور آغیل‌سبز ایش‌لرینی باشا دوشمه‌ین آت‌لار داها آجیق‌لانیردیلار. یایلاقداکی تزه عطیرلی اوت‌لارین عوضینه بوردا قورو سامان‌دان باشقا بیر زاد یئمه‌ین آت‌لار گونو- گوندن آریق‌لاییب بیر دری، بیر سوموک اولموشدولار.

بیر گنجه، قارانیقدا، ایکی سرباز ترلانی باشینا نوختا ووروب توپله‌دن چیخاریب آپاردیلار. بئلینه یهر عوضینه پالان قویوب، اوستونه اوزون لوله کیمی آغیر دمیرلر چاتیب، ایپله باغلاییب داغین داشلیق یول‌لاریندا اوزو یوخاری سوردولر. یولداش‌لاریندان آیریلان ترلانی یورغونلوغو بیر یاندا قالسین، تکلک‌دن یامان داریخیردی. بیل‌میردی نئيله‌سین، یولو باشینا آلیب گئیدردی. سیلدیریم بیر قایانین باشینا چاتاندا هاوا ایشیق‌لانمیشدی، داغین هر ایکی طرفینده یاشیل اوتلاق‌لار، یاراشیق‌لی کندلر، کندلرین کوچه‌لرینده گلیب گنده‌لر گورونمه‌یه باش‌لامیشدی. ترلانی دوغما کندی یادینا دوشدو... بیر آن اوزونو کنده سؤیودلرین آلتیندا ایلخی‌نین آراسیندا ائیوازلا بیرلیکده گوردو. ائیواز اونون قویروغونو گول‌دسته‌سی کیمی ییغیب باغلاییب، یال‌لارینی هورموشدو، تزه‌جه آنادان اولموش دایچالارین اویناماغینی گوره‌ن ترلان، هارادا اولدوغونو اونوتموشدو. ائله بو آندا سینه‌سینده آری سانجان کیمی بیر آغری حیس ائتدی. سونرا دا آغرییان یئردن قان آخماغا باش‌لادی. گئتدیکجه گؤزلری قارالدی، آیاق اوستنده دورا بیل‌مه‌یب، قایالارین اوستونه ییخیلیدی. اوزاق‌لاردان گلن شاققا-شاق سسی یاواش‌یدیقچا قوزقون‌لار باشی‌نین اوستونده دولانیردیلار. نه یازیق کی، ترلان بیر داها دوغما کندینه قاییدی قاراباغ آت‌لاری توره‌مه‌سیندن اولان قولان‌لارین یاریشیندا اشتراک ائتمه‌یه‌جکدی.